

Message Three

Vasahula kah Hamkhuekna

Teeham Caciim; ; Awl,19:6-9; Jhn,3:29; Jak,5:7; Matt,5:48; Kol,1:28-29; 3:10-11

I. Krik awllung dawngah hamkhuekna ati awllung kah thuingaihna tah “aboetnaben phana” la awm.

- A. Muithawlangna tah mami kah pumsaben hingna dawngah khuiben poulipna athawlangna la awm. Hamkhuekna tah mami aka thawlang sak Pathenben hingna oen betooetna la awm – Heb,6:1; Kol,4:12. Rom,12:2; 2Pit,1:3.
- B. Mui thawlangna kah huekhueng cadoelh tah hamkhuekna, hingna oen soepna la awm -athaan, 4.
- C. Hamkhuek la aka awm oengca pakhat he takpum amingciim coengah akhuituuk tih, takpum mingthimna oen takpum te alungkir la khuehna awm – 1Kor,12:16, 18-19, 21, 24.

II. Awlkhueh thai ah ahawna angla hamkhuekna ati awllung he oengcathli kah apumboeih la roengna oen cuunkoep la a awm u vengah adang Khrih kah hingna dawngah asoepna te thuingaih la awm – Tit,3:5; 1Pit,1:3, 23; Matt,5:48.

- A. Mami tah n'mah ngaihna la me tuek vengah khaw n'ngai khuek ham nawh tih, Khrih kah hingna dawngah roengna oen hamkhuekna te tlap poepana awm ham ni – Fil,3:12, 14.
- B. Mami tah aka khum tangtethli te n'hilh vetih haai kah aka awmthli te n'lambanna,kum thawngkhat ram ah Khrih te aboetkoek awmngaihna hamla Khrih te betooetkoek la awmngaihna oen ameeek dangna hu ah thlaakna rangoen hamkhuekna toe haai la cehna, khuen la awm ham angoe – athaan,12-15.
- C. Muithlaben hingna dawngah hamkhuekna hamla angoe koek tah Pathenben hingna dawng boetouh la roengna awm ham ni – Efe,4:15.
- D. Oengcathli kah Khrih hingna dawngah roengna oen hamkhuekna kah aboetkoek thaitak tah apumboeih la hamkhuek thlaang – aka hamkhuek thlaang la aka roeng Khrih takpum la thlangboel te ni – athaan,13.

III. Jakop lawng a capatthli dawngah loutoenkung tah phu aka awm thingthaih te kaw dung oen thlahthlue la angai uepna thuicaihna tea haw na – 5:7.

- A. Bawipa Jesu he atang tang aka soeng loutoenkung, rawl aka awm nawh loutoenkung la awm Matt,13:3.
- B. Mami Bawipa alawkoepna te thinsan la n'ngaiuep vengah aka soeng loutoenkung la aka awm Bawipa tah lou kah thaih cuekthli te ah nala mami hingna dawng hamkhuekna te thinsan la aring khuuep – Awl,14:4, 14-15.
- C. Mami lawng “Bawipa, va law zue loeih” tila thangthui tih, Bawipa lawng “nang lawng kai kah lawkoepna ten a lamtoen tih, kai lawng nang kah hmakhuekna te ka lamtoen. Nang kah hamkhuekna bueng lawng ni ka lawkoepna te aloe sak thai ai” tila athui ai.
- D. Mami lawng Bawipa lawkoepna n'lamtoenna te awlpui la n'khueh atah mami tah hamkhuekna toe la hingna dawng roeng ham angoe tite n'zaakmingna tah mami hamla bawmcemna aka theenkoek la awm.

IV. Hamkhuekna tah mami dawng Khrih betooet la mui atueng nala awm. Tetah mami Bawipa kah muisam khuiah betooet la mui thawlang la awm poen tite khaw thuingaih la awm – Gal,4:19; 2Kor,3:18.

- A. Mami cuunkoep veng kalawng ah Bawipa he mami dawngah bisai la awm poen tih, teti rangoen mami tah Bawipa kah muisam la n'awm u thai ai – athaan,18; Rom,8:29.
- B. Bawipa lawng Amah muisam te mami khuiah asoep la van sai tih, mami dawng kalawng patoeng betooet la atuengna awm vengah hingna dawng hamkhuek la n'awm u poen ai – Efe,3:16-17.

V. Laathli kah Laa aboel 3 ah aka tlapkung kah hamkhuekna te athui tih, aboel 4 ah tetih hamkhuekna lawng angaihna te aluithil muelh rangoen va law tite thui koep la awm. Aka tlapkung

kah hamkhuekna awlhuep tah ahih kah angaihna tah apumboeih la luithil muelhna oen thawkoepna a awm poen nala awm – athaan,4.

- A. Rawn he Pathen kakhui ah thlaanghing kawngaihna te huhsak la awm. Bawipa lawng mami kah kawngaih dawklawh la awmna te atheenkoek thaihu la atoek – athaan,1a, 4.
- B. Mami ah dawklawh kawngaihna awm atah mami kah ngaihna he phringthli te tungsepna David kah imsaang angla tueng poen ai.
 - 1. Lahma la mami kah ngaihna he luimuelh ham ni, te coengah tetah thawhkoepna dawngah atharaa tih muithlaben raaltukna ham phring la aka awm David kah imsaang angla awm poen ai -Efe,6:10.
 - 2. Muithlaben raaltukna ham phringthli he mami kah luimuelh la aka awm, thawhkoep ngaihna dawngah kuem khawlana la awm – 2Kor,10:3-5.

VI. Paul kah bibina kawltung tah thlaangthai pakhat ham Khrih dawngah thlaang boeih te aka hamkhuek, apum boeih la aka hamkhuek thlaang la anawn ham ni – Kol,1:28-29; 3:10-11.

- A. Kolosa 1:28 kah “aka soep hamkhuekna” tila athui Krik awllung he “soepna,” “coengna” nawhatah “hamkhuekna” tilak haw kawng thai la awm.
- B. Paul kah bibina tah Khrih te thlaangthli khuiah rekraa ham tih, tetih rangoen tethli tah apum boeih la roengna hil toe Khrih dawngah hamkhuekna rangoen soepna oen coengna a awm ham la ni.

VII. Genesis 37 kalwng 47 toe he Jekop kah hamkhuekna lawngzaw thutna la awm.

- A. Genesis 27 ah thlaangthai palat te n’huh la awm. Aboel 37 ah mui aka thawleng thlaang te huh la awm tih, aboel 47 aboetna ah hamkhuek thlaang te huh la awm.
- B. Mui thawlengna kah aboetkoek cadoelh tah hamkhuekna, hingna kah pumboeih la soepna la awm.
 - 1. Pathen kah dungzan apoekna tah mami kah mui thawlengna oen hamkhuekna kalawng patoeng oen ni asoepbir thai la awm – 1:26; Kol,1:28; 2:19.
 - 2. Hamkhuekna tah mami khuiah Pathenben hingna te vai at coeng vai at sang thil tih mami dawngah hingna kah apumboeih soepna hil toe sangthil la awmna kawng la awm – Jhn,10:10.
- C. Hamkhuekna he akuun thai khoekna aboukauna kawng la awm – Saam,4:1.
 - 1. Hingna dawngah hamkhuekna tah Ciimuithla kah tungsep rimawngna tah dangna kah aka cingcui thaitak la awm – Heb,12:5-11.
 - 2. Thlaangtloethli lawng thlaang pakhat kah hingna dawng hamkhuekna te a huh u mai thai. Tede te athlaanghing lawng kum broe nawh khuiah hin at coeng hin at ahuep cala dang la aka awm Ciimuithla kah tungsep riimawngna tih a tungsep na tetah huh u thai nawh – 2Kor,1:8-10; Gen,47:7, 10.
- D. Sangthil la aka awm soeprep kalawng mami te ahawng la awm sak ham Pathen lawng thlaangthli, thaihuthli, apoulipnathli te uktem la ahaw natih, lungbui aka luimuelthli boeih te n’khoe ham ni, te dengah Pathen rangoen betooet ham akuun thai khoekna pungtai la awm ai – Luk,1:53, Matt,5:6.
- E. Jakop kah hingna lawng mami teng poulipnathli boeih tah mami kah mui thawlengna oen hamkhuekna ham Pathen kah uktem boelraina kakhui ah awm tite thui la awm. Meang thaihu khaw poekmuehmai la awm paraap nawh.
 - 1. Hamkhuekna la awm ham atah Jakop he lahma la a thinkaw kah kaawn la aka awm Josep asungna te ahuhawng – Gen,37:31-35.
 - 2. Hamkhuek la aka awm oengca pakhat lawng Pathen he reenna betooet tih, atuatang soeprep dawngah angoengaihna soep sak ham soeprep acungkuem sak tite azaak ming – 43:11, 13-14; 17:1; Fil,1:19-21a; 4:11-12; cf, 1Tim,6:6-8.
 - 3. Ahih kah ueppangna oen duemna hetah soeprep aka soep sakkung Pathen kah areenna dawng bueng ni a awm tih, amah oen mah dawngah nawhatah asai thaina dawngah nawh ni -Rom,9:16.
 - 4. Jakop kah hamkhuekna aka cakkoek noekna tah ahih lawng thlaangtloethli te zotheen apeekna la awm – Gen,47:7, 10; 48:14-16; Heb,7:7.

VIII. Hamkhuek la aka awm vasahula he Pathen kah kawngaih oen apoekna kah kawltung la awm – Awl,19:7-9.

- A. Aka cuut u vasahula kah coekroek la awm natah taacathli kah hingna dawng hamkhuekna sawah ni a awm – athaan,7; Heb,6:1; Fil,3:12-15; Efe,4:13.
- B. Tuuca kah kuttuukna poei he Pathen kah awlkhueh thai kamthlahna soepbirna thaitak la awm tih, tetah Pathen hingna dawngah Bawipa kah awlceknaben tlangna oen aka hing thlawwna rangoen Khrih hamla thlangboel la aka awm vasahula te dang ham la ni – Gen,2:22; Rom,5:10; Awl,19:7-9; 21:2.
- C. Johan awlthangtheen cabu dawngah Khrih lawng thawlhna aka ceh pui ham Tuuca lakhaw khaw seh, vasahula te dang ham zuloukung lakhaw seh thui la awm – 3:29.
- D. Khrih kah kawltung tah thawlhna te khoe ham bueng nawh tih, vasahula te dang ham la ni.
 - 1. Awlphawng cabu dawngah Khrih he Tuuca oen aka law ham zuloukung la awm tite n’huh. Te dawngah zuloukung la Bawipa tah kuttuukna poei ah awm ham ni – 19:7-9.
 - 2. Tuuca kah kuttuukna poei he vaan khawhiiben kuttuukna poei la awm ai. Tetah tlangkung oen aka tlang thlaang kah kuttuukna poei la awm ai.
 - 3. Khrih he zuloukung la law vetih, mami tah vasahula la n’cet u.
- E. Aka awlpuikoek akawnglam tah vasahula kah coekroek la awmna te ni – athaan,7.
 - 1. Awlphawng 19:8 oen 9 angla Khrih kah vasahula la aka awm azu he kum thawngkhat dungah aka taa oengcathli oen bueng ni thooek la awm.
 - 2. Vasahula kah coekroek la awmna tah taacathli kah hingna dawng hamkhuekna awm sawah ni ahangdang tih, tethli tah thloek la mah mah bueng nawh tih, aka cuut u vasahula la awm.
 - 3. Awlphawng 19 ah thlaang zahawh thlang tuunna kah a awl “hallelujah, metitiah mami kah Bawipa bawilen Pathen lawng a uk” tila pangpuina awm.
 - a. Pathen kah uktemna la aka awm ram he Tuuca kah kuttuukna poei oen tuhpha la awm.
 - b. Kuttuukna poei tah Bawipa uktemna la aka awm ram tea van khuen ai, metihtiah kuttukna poei ah ceel la aka awm kamzinthli boeih tah zuloukung kah aka cingcui vasahula oen aka pui haih sepahrangthli la a awm u ham dawngah ni. Bawipa kah aka puihaih sengpahrangthli boeih tah Bawipa kah aka cuut vasahula la awm ai.
 - c. Taathli ham kum thawng ram kum thawngkhat tue he kuttuukna caak-aawk poei la awm ai.
 - d. Kuttuukna caak-aawk poei ah ceel la aka awmthli boeih khawseh sengpahrangthli la kum thawngkhat ukna dawngah thuum u haih van ai.
 - e. Taacathli ham a ram ah Khrih oen haih ukna tah kuttuukna caak-aawk poei la awm ai – athaan, 9.